

Latgolys prozys skaitejumi 2025

{ Literatūrys
konkurss

Konkursa “Latgolys prozys skaitejumi 2025” NŪLYKUMS

Raksteišona vysod ir inficiešonus – mozuoka ci leluoka.
/Valentins Lukaševičs, “Casnāgu maizeitis”/

MIERKIS

Veicynuot literarū procesu Latgolā, dūdūt vareibu latgalīšu rokstu volūdā vai latvīšu literarajā volūdā rokstūšim autorim satikt leluoku auditoreju i skaiteituojim īpazeit jaunus Latgolys kulturtelpā topušus dorbis.

DALINĪKI

Vysa vacuma Latgolys kulturtelpai pīdareigi autori, kurī roksta prozu latgalīšu rokstu volūdā vai latvīšu literarajā volūdā.

KONKURSA DORBA NŪSACEJUMI

Autori aicynuoti īsyuteit:

1. **poša radeitu i da tuo npublicātu i publiski naskaiteitu tekstu** latgalīšu rokstu volūdā vai latvīšu literarajā volūdā (bet vālags ar vysmoz 10 % latgalīšu rokstu volūdā integrāta teksta). Tys var byut vīngobola prozys dorbs voi sižetiski saisteitu tekstu kūpa – eseja, stuosts voi romana fragments sev tyvuokā žanrā.
2. prozys teksta lelums: **7000–12 000 zeimu ar atstarpem** (lyugums īvāruot teksta leluma nūsacejumus, garuoki dorbi pyrma nūdūšonys viertiešonai tiks eisynuoti);
3. teksta nūformiejums: **A4 formats, Times New Roman, burtu lelums 12 punkti, ryndu storpā 1,5 punkti**;
4. vālags jimt vārā konkursa “Latgolys prozys skaitejumi 2025” **moto “Kai tev dzelys?”**. Tys ir vaicuojums, kurū aizdūt naviņ sovam tyvuokajam vokorā pi čaja, telepona sarunā voi kasgadejā Zīmyssvātku viestulē, bet ari sev pošam. Kai tu eistyn jiuītis itymā pasaulī? Voi esi ari gotovs patīšai atbīldēt i nu sirds izklausēt? Atbīldē var byut pasaglobuojs vasals stuosts – pylns ilgu, cereibu, sapynu. Bet varbyut tev ir drūsme pavaicuot itū vaicuojumu najaušam garumguojiejam, ar kurū pieški sasagribiejs vīnkuorši parunuot. Tys var byut suokums nūpītnai sarunai i interesei par sūpluok asūšū, bet vėl nazynomū i piļneigi nagaideitū.
5. vīns nu viertiešonys kritereju ir **teksta pīdareiba Latgolys kulturtelpai, tai atkluojūt regiona sovpatēibu i paruodūt latgaliskumu juo potuokajuos nūzeimēs**.

PĪSACEJUMA NŪSACEJUMI

Konkursa dorba elektroniskajai versejai **obligati juodalīk e-posta teksts ar pīsacejumu**, kurā juobyut:

- 1) ziņom par autoru (vuords, pavuorde, dzimšonys dati (gods), nūsadorbūošona, eisa rodūšuo biografeja (vysmoz 3–4 teikumi));
- 2) autora kontaktinformaceja (telepona numers, e-posts).

TERMENI

Konkursa dorbi, dalīkūt pīsacejumus, konkursam **juoīsnādz leidz 2025. goda 24. oktobram**, nūsyutūt latgalīšu kultūrys kusteibai “Volūda” iz e-postu: literatura@voluda.lv ar nūruodi “Latgolys prozys skaitejumi 2025”.

VIERTIEŠONYS KRITEREJI

Dorbi tiks vērtāti, vairs vaira izceļot literāro teksta kvalitāti i pārdarību Latgolys kulturtelpai, tai atkluojuāt regiona sovpatēibu i paruodūt latgaliskumu juo plašuokajuos nūzeimēs.

KONKURSA DORBU VIERTIEŠONA

Konkurss nūtikš vīnā kuortā – autori leidz 24. oktobram īsyuta sovus prozys tekstus i konkursa organizatori jūs nūdūd žurejai anonimai viertiešonai;

Konkursa dalinīki 4. decembrī byus aicynuoti pīsadalet konkursa “Latgolys prozys skaitejumi 2025” nūslāguma pasuokumā Rēzeknis nūvoda Lūznovys muižā. Juo nūtikšonu planavuots filēmēt i raideit latgalīšu kulturys kusteibys “Volūda”, storptautyskuo literaturys festivala “Prozas lasījumi 2025” i latgalīšu kulturys ziņu portala lakuga.lv kanalūs.

REZULTATU IZZIŅUOŠONYS PARĀDS

Autorus, kurūs konkursa “Latgolys prozys skaitejumi 2025” nūslāguma pasuokumā 4. decembrī aicynuos konkursa tekstu skaiteit publiski, informēs personeigi, sasazynojuāt iz pīsacejumā nūruodeitū e-posta adresi voi telepona numeri. Konkursā uzvariejušūs dorbu autoru vuordi tiks izziņuoti konkursa nūslāguma pasuokumā, kai ari publicāti latgalīšu kulturys kusteibys “Volūda” sātyslopā voluda.lv i latgalīšu kulturys ziņu portalā lakuga.lv. Atbilstūši konkursa nūslāguma pasuokuma koncepcējai, uzvarātuju dorbu video īroksti var tikt sataiseiti ari pyrma pasuokuma. Konkursa “Latgolys prozys skaitejumi 2025” uzvarātujuam ar sova dorba skaitejumu byus pīduovuota vareiba pīsadalet ari festivala “Prozas lasījumi 2025” nūtikšonus.

ATLEIDZEIBA PAR PUBLIKACEJOM I PUBLICITATE

Konkursa uzvarātuju dorbim tiks dašķiertys atleidzeibys par dorbu pyrmpublikacijom portalā lakuga.lv: I vītai 350 eiro apmārā, II vītai 250 eiro apmārā i III vītai 200 eiro apmārā (pyrma nūdūkļu nūmoksys). Atkareibā nu īsnāgtūs dorbu kvalitatis i žurejis viertejuma latgalīšu kulturys kusteiba “Volūda” patur tīseibys atleidzeibu apmārus maineit, kai ari konkursa nūslāguma pasuokumā aicynuot pīsadalet vaira nakai treis finalistus. Konkursa uzvarātuju dorbi var tikt publicāti ari video formatā portala lakuga.lv i latgalīšu kulturys kusteibys “Volūda” socialūs teiklu kontūs, kai ari portala sagataveitajūs izdavumūs.

Uzvarātuju gaida vareiba 2026. godā izmontuot desmit dīnys garu raksteišonys rezidenci Lūznovys muižā (ar apmokuotu uzaturiešonu rezidencē i stipendeju rodūšajam dorbam).

ŽUREJA

Konkursa “Latgolys prozys skaitejumi 2025” dalinīku dorbys viertēs pīci žurejis lūcekli – ar Latvejis literaturys procesim i aktivitatem saisteitys personeibys – literate, literaturzynuotneica, latgalīšu kulturys kusteiba “Volūda” puorstuove Ilze Sperga, žurnaliste Maruta Latkovska, tulkuotuoja Māra Poļakova, paguojušuo “Latgolys prozys skaitejumi” konkursa uzvarātuja, literate i gruomotu blogere Inga Kaļva-Miņina, volūdņiks i tulkuotuojs Snorre Karkonens-Svensons.

ORGANIZATORI

Konkursu reikoj latgalīšu kulturys kusteiba “Volūda” (vaira dazynuošonai Kristīne Pokratiece, e-posts literatura@voluda.lv). Konkursa nūtikšonu atbolsta storptautyskais literaturys festivals “Prozas lasījumi 2025” (reikuotuojs Latvejis Rakstnīku savīneiba), Vaļsts kulturkapitala fonds, Rēzeknis nūvoda pošvaļdeiba i Lūznovys muiža, žurnals “Domuzīme”, apguods “Zvaigzne ABC” i latgalīšu kulturys ziņu portals lakuga.lv.